

The Electronic *Manipulus florum*
www.manipulusflorum.com

Iniuria i
cum fontibus proximo et primo

Parua uerba multociens homicidium pepererunt,
et ciuitates integras conuerterunt.

Chrysostomus in matth....

Non ergo aestimes hoc esse onerosum:

plures enim poenarum et peccatorum a uerbis habent principium:
etenim parua uerba multoties homicidium pepererunt
et ciuitates integras euerterunt.

Aut ignoras quoniam inimicie tempore, ira accensa,
et anima ardente, et quod minimum est magnum apparet,
et quod non ualde est, iniuriosum onerosum esse uidetur,
et multoties parua hec, et occisionem pepererunt,
et ciuitates integras euerterunt?

Iohannes Chrysostomus, *In Mattheum homiliae interpretatione*
Burgundio, 16 (Biblioteca apostolica Vaticana,
MS Vat. lat. 383, fol.59rb, ll.6-14).

Nunquid parum estimes fratrem stultum uocare,
auferens ei prudentiam et intellectum,
quo homines sumus, et ab irrationabilibus distamus.

Nec enim paruum aestimes fratrem stultum uocare,
auferens ei prudentiam et intellectum,
quo homines sumus et ab irrationabilibus distamus.

Cum id quo ab irrationalibus distamus,
et quo maxime sumus homines, intellectu et prudentia,
auferas fratri omni eum priuans nobilitate.

Crisostomus super illud Matthei V.:
Qui dixerit fratri suo fatue et cetera.

Thomas de Aquino, *Catena aurea in quattuor euangelia,*
expositio in Matthaum, 5.13 (P.A. Guarienti ed., p.84).

Iohannes Chrysostomus, *In Mattheum homiliae interpretatione*
Burgundio, 16 (Biblioteca apostolica Vaticana,
MS Vat. lat. 383, fol.59va-vb, ll.38-40, 1-3).